



შპს სკოლა-ლიცეუმ მასტერკლასის

ბუნებრივი და ტექნოგენური ხასიათის საგანგებო სიტუაციებისას

რეაგირების გეგმა

დამტკიცებულია

სკოლის დირექტორის მიერ

ბრძანება N 01-03/04

10 09 2021 წ.

ბათუმი



გეგმის მიზნები

შპს სკოლა-ლიცეუმ მასტერკლასის ბუნებრივი და ტექნოგენური ხასიათის საგანგებო სიტუაციებისას რეაგირების გეგმა განსაზღვრავს, კატასტროფების შემთხვევაში რეაგირების ეფექტურ/ადეკვატური ღონისძიებების სახეებსა და ფორმებს. ასევე, მართვის პროცესის განხორციელების სტრატეგიას საობიექტო დონეზე.

გეგმის მიზანია:

1. ბუნებრივი და ტექნოგენური ხასიათის საგანგებო სიტუაციების პირობებში მოსწავლეთა, თანამშრომელთა და შენობაში მყოფი ნებისმიერი პირის დაცვისთვის საერთო ორგანიზაციულ-სამართლებრივი ღონისძიებების წარმართვა;
2. საგანგებო სიტუაციების თავიდან აცილების, მისი განვითარების შემთხვევაში შედეგების შერბილებისა და ლიკვიდაციის ღონისძიებების შემუშავება და ორგანიზება;
3. საგანგებო სიტუაციებისთვის მზდყოფნა სწავლება - გადამზადებისა და სიმულაციების საშუალებებით.

ძირითადი ტერმინები და განმარტებანი

ა) საგანგებო სიტუაცია – ობიექტზე, გარკვეულ ტერიტორიაზე ან აკვატორიაში ბუნებრივი მოვლენების, სტიქიური უბედურების, ხანძრის, ავარიის, კატასტროფის ან სხვა სახის უბედურებების, აგრეთვე დაზიანების საბრძოლო საშუალებათა გამოყენების შედეგად წარმოქმნილი სიტუაცია, როდესაც ირღვევა ადამიანთა ცხოვრებისა და საქმიანობის ნორმალური პირობები, საფრთხე ემუქრება მათ სიცოცხლესა და ჯანმრთელობას, ზარალდება მოსახლეობა და ზიანდება ბუნებრივი გარემო;

ბ) საგანგებო სიტუაციის ზონა – განსაზღვრული ტერიტორია ან აკვატორია, სადაც წარმოიქმნა საგანგებო სიტუაცია;

გ) საგანგებო სიტუაციის თავიდან აცილება – სამართლებრივ, ორგანიზაციულ, ეკონომიკურ, საინჟინრო-ტექნიკურ, სანიტარიულ-ჰიგიენურ, სანიტარიულ-ეპიდემიოლოგიურ და სხვა ღონისძიებათა კომპლექსი, რომლებიც ხორციელდება ბუნებრივ გარემოსა და საშიშ საწარმო ობიექტზე მონიტორინგისა და კონტროლის ორგანიზების, საგანგებო სიტუაციის წარმოქმნის პროგნოზირებისა და პროფილაქტიკის, საგანგებო სიტუაციისათვის მომზადების, ხოლო მისი წარმოქმნის შემთხვევაში – ზარალის შემცირების მიზნით;

დ) საგანგებო სიტუაციით გამოწვეული შედეგების ლიკვიდაცია – საგანგებო სიტუაციების გაერთიანებული სალიკვიდაციო ძალების მიერ ადამიანთა სიცოცხლის გადარჩენისა და მათი ჯანმრთელობის შენარჩუნების, მატერიალური ზიანის და ბუნებრივი გარემოს დაზიანების შემცირების, აგრეთვე საგანგებო სიტუაციის ზონის ლოკალიზებისა და საგანგებო სიტუაციის წყაროს დამაზიანებელი ფაქტორების ზემოქმედების



შემცირების მიზნით საგანგებო სიტუაციის ზონაში და მის მიმდებარე რაიონებში ყველა სახის სადაზვერვო, საავარიო-სამაშველო და საავარიო-აღდგენითი სამუშაოების შესრულება, ასევე ამ ძალების პირადი შემადგენლობის სასიცოცხლო უზრუნველყოფის ორგანიზება;

ესახანძრო-სამაშველო დანაყოფები - ადგილობრივი თვითმმართველობის ორგანოსადმი დაქვემდებარებული სახანძრო დაცვისა და სამოქალაქო თავდაცვის სამსახურების გაერთიანების შედეგად შექმნილი ძალები;

ვ) ბუნებრივი და ტექნოგენური ხასიათის საგანგებო სიტუაციებზე ეროვნული რეაგირების გეგმა (შემდგომში - ეროვნული რეაგირების გეგმა) - ერთიან სისტემაში მყოფ სამინისტროთა, მათი მმართველობის სფეროში შემავალ სახელმწიფო საქვეუწყებო დაწესებულებათა და საჯარო სამართლის იურიდიულ პირთა რეაგირების გეგმების ერთობლიობა, რომლებიც ითვალისწინებს ბუნებრივი და ტექნოგენური ხასიათის საგანგებო სიტუაციებისაგან მოსახლეობისა და ტერიტორიის დაცვას.

მოსალოდნელი საფრთხეებისა და რისკების შეფასება

(მოსალოდნელი საფრთხეები განისაზღვრება ადგილობრივი (მუნიციპალური) რეაგირების გეგმების შესაბამისად)

შენიშნა, რომელიც განთავსებულია ს. ხიმშიაშვილის (N 55) ქუჩის იმ ნაწილში სადაც , ორმხრივად (ჭავჭავაძე/პუშკინი) იჭრება გზაჯვარედინი , ითვლება ერთ-ერთ მჭიდროდ დასახლებულ ტერიტორიად. შესაბამისად, საგანგებო ევაკუაციის დროს რისკის შემცველია ევაკუირების საბოლოო ტავშეყრის ადგილი ტერიტორიის პრაქტიკულად არარსებობის გამო .

ეროვნული სტანდარტების შესაბამისად, სკოლის ლაბორატორია აღჭურვილია ადვილად აალებადი, ფეთქებადი (სასწავლო დანიშნულებით) ნივთიერებებით. სკოლის ტერიტორიაზე დამონტაჟებულია ბუნებრივ აირზე მომუშავე ცენტრალური გათბობის საქვაბე.

ობიექტის დახასიათება

7 (შვიდი) სართულიანი, ბლიკით ნაგები შენობა რომელიც 2015 წელს შესული ექსპლუატაციაში, მდებარეობს რეგისტრირებულ მისამართზე, ეზოს სიღრმეში.

სკოლას გააჩნია ქუჩასთან დამაკავშირებელი ერთი ძირითადი შესასვლელი და სკოლის ეზოდან შენობაში შემავალი ორი კარი (ძირითადი და დამხმარე). შენობა უზრუნველყოფილია უწყვეტი გაზომომარაგებით, წყლითა და ელექტრო ენერჯით.

სახელმწიფო და საერთაშორისო კანონმდებლობისა თუ პრაქტიკაზე დაყრდნობით, სკოლაში მოქმედებს საგანგებო რეაგირების შტაბი, შემდეგი შემადგენლობით:

1.1. საგანგებო შტაბის უფროსი



1.2. ევაკუაციაზე პასუხისმგებელი პირი

1.3. მატერიალურ-ტექნიკურ მომარაგებაზე პასუხისმგებელი პირი

1.4. კავშირგაბმულობისა და შეტყობინების საკითხებზე პასუხისმგებელი პირი გელაშვილი

1.5. პირველადსამედიცინო დახმარებაზე პასუხისმგებელი პირი

1.6. საზოგადოებრივი წესრიგზე (დისციპლინური საკითხები) პასუხისმგებელი

1.7 სახანძრო უსაფრთხოებაზე პასუხისმგებელი პირი

აღნიშნულ პოზიციებზე თანამშრომელთა განწესება ხდება სკოლის დირექტორის მიერ გამოცემული ინდივიდუალურ-სამართლებრივი აქტით სასწავლო წლის დასაწყისში.

საგანგებო შტაბის წევრთა ფუნქციონალური მოვალეობები

1. საგანგებო შტაბის უფროსი

სკოლის საგანგებო შტაბის უფროსი ანგარიშვალდებულია სკოლის დირექტორის წინაშე.

იგი პასუხისმგებელია:

- საგანგებო სიტუაციებისთვის მუდმივ მზადყოფნაზე;
- რეაგირების დაგეგმვაზე და შესაბამისი ღონისძიებების გატარებაზე მშვიდობიან და საგანგებო/ომის შემთხვევაში.

მას ევალება:

- სკოლის საგანგებო სიტუაციებზე რეაგირების გეგმის შედგენა და მისი ამოქმედება საგანგებო სიტუაციების დროს
- პედაგოგებზე, მოსწავლეებზე და შენობის ტერიტორიაზე მყოფი ყველა პირისთვის საშიშროების შესახებ შეტყობინება და შესაბამისი ქმედებების ორგანიზება;
- მართვის, კავშირგაბმულობისა და შეტყობინების ორგანიზება;
- დერეფნების და კლას-კაბინეტების შესაბამისი ინვენტარით აღჭურვა და მომზადება;
- პედაგოგთა, მოსწავლეთა და შენობაში მყოფ პირთა დადგენილი წესის მიხედვით დროული ევაკუაცია უსაფრთხო ადგილებში;
- ექსტრემალური სიტუაციების განვითარების შემთხვევაში სამაშველო და სხვა გადაუდებელი სამუშაოების ჩატარება;
- სკოლაში ყველა დონის სამოქალაქო თავდაცვისა და საგანგებო სიტუაციების დროს მოქმედებების სწავლების ორგანიზება და განხორციელება.

სკოლის საგანგებო შტაბის უფროსს ჰყავს მოადგილე, რომელიც მისი არყოფნის პერიოდში ასრულებს სკოლის საგანგებო შტაბის უფროსის მოვალეობას.



2. ევაკუაციაზე პასუხისმგებელი პირი

ევაკუაციაზე პასუხისმგებელი პირი ექვემდებარება საგანგებო შტაბის უფროსს.

იგი ვალდებულია:

- შეიმუშაოს სკოლის ევაკუაციის გეგმა;
- განსაზღვროს შენობის საევაკუაციო გზები და გასასვლელები, იზრუნოს მათზე მანიშნებელი ნიშნების დაყენებაზე;
- ორგანიზება გაუკეთოს მოსწავლეების, პედაგოგების, სკოლაში სამსახურებრივად მყოფი სხვა პირების რაოდენობის განსაზღვრას მათი ოპერატიულად ევაკუაციის მიზნით;
- იქონიოს კავშირი ქალაქის საგანგებო რეაგირების შტაბთან.
- აქტიური მონაწილეობა მიიღოს სკოლის რეაგირების გეგმის შემუშავებაში, ევაკუაციის საკითხების დაზუსტებაში;
- საგანგებო სიტუაციების შემთხვევაში იცოდეს და წინასწარი ჰქონდეს მომზადებული მოსწავლეთა, პედაგოგთა და სკოლაში სამსახურებრივად მყოფი სხვა პირების უსაფრთხო ადგილებში გადაადგილებისათვის საჭირო მონაცემები.

ევაკუაციის გამოგზადების შემთხვევაში იგი ვალდებულია:

განგაშის სიგნალით დროულად შეატყობინოს სკოლის პერსონალს ევაკუაციის დაწყება;

3. კავშირგაბმულობისა და შეტყობინების საკითხებზე პასუხისმგებელი პირი

კავშირგაბმულობისა და შეტყობინების საკითხებზე პასუხისმგებელი პირი ექვემდებარება საგანგებო შტაბის უფროსს.

იგი ვალდებულია :

- აქტიური მონაწილეობა მიიღოს საგანგებო სიტუაციებზე რეაგირების გეგმის შემუშავებაში;
- ორგანიზება გაუკეთოს მართვის, კავშირისა და შეტყობინების მუდმივ მზადყოფნას;
- დროულად განახორციელოს შეტყობინება ხელმძღვანელი პირების და სკოლის პერსონალის საგანგებო სიტუაციებზე რეაგირების ღონისძიებების განხორციელების თაობაზე;
- სკოლის საგანგებო შტაბის უფროსთან ერთად აქტიური მონაწილეობა მიიღოს სკოლის საევაკუაციო გეგმის შედგენაში.



4. პირველად სამედიცინო დახმარებაზე პასუხისმგებელი პირი

პირველად სამედიცინო დახმარებაზე პასუხისმგებელი პირი ექვემდებარება სკოლის საგანგებო შტაბის უფროსს.

იგი ვალდებულია:

- განუწყვეტლივ სრულყოფდეს პირად მომზადებას, სისტემატიურად ატარებდეს გეგმით გათვალისწინებულ სამედიცინო უსაფრთხოების თემებზე, როგორც თეორიულ, ასევე, პრაქტიკულ მეცადინეობებს;
- სისტემატიურად უწევდეს კონტროლს ობიექტის ტერიტორიაზე სისუფთავის და ჰიგიენის დაცვას;
- აღმოუჩინოს პირველი სამედიცინო დახმარება დაზიანებულ ადამიანებს;
- საჭიროების შემთხვევაში დაზარალებულების შესახებ აწვდის ინფორმაციას მუნიციპალური სამედიცინო სამსახურის ჯგუფს.

5. მატერიალურ-ტექნიკურ მომარაგებაზე პასუხისმგებელი პირი

მატერიალურ-ტექნიკურ მომარაგებაზე პასუხისმგებელი პირი საგანგებო შტაბის უფროსს.

იგი ვალდებულია:

- აქტიური მონაწილეობა მიიღოს რეაგირების გეგმის შედგენაში მატერიალურ-ტექნიკური მომარაგების საკითხების გათვალისწინებით;
- იცოდეს სპეციალურვილობის რაოდენობა, მისი შემენისა და შენახვის პირობები და ვადები;
- სისტემატიურად ახორციელებდეს სპეციალურვილობის განახლებას;
- იცოდეს სკოლაში მყოფ პირთა საერთო რაოდენობა ევაკუაციის შემთხვევაში მათთვის დახმარების გაწევის მიზნით.
- სისტემატიურად ახსენებდეს საგანგებო შტაბის უფროსს გაწეული საქმიანობის შესახებ;
- სკოლის საგანგებო შტაბის უფროსთან ერთად აქტიური მონაწილეობა მიიღოს სკოლის საევაკუაციო გეგმის შედგენაში.

6. საზოგადოებრივი წესრიგის დაცვის ჯგუფის უფროსი

საზოგადოებრივი წესრიგზე (დისციპლინური საკითხები) პასუხისმგებელი პირი ექვემდებარება სკოლის საგანგებო შტაბის უფროსს.

მას ევალება:

- საგანგებო სიტუაციების განვითარების შემთხვევაში უზრუნველყოს ჯგუფის ოპერატიული შეკრება;
- დაიცვას წესრიგი საგანგებო სიტუაციებზე რეაგირების პროცესში;



- უზრუნველყოს საევაკუაციო ღონისძიებების ორგანიზება და წესრიგის დაცვა მისი განხორციელების პროცესში;
- პირად შემადგენლობასთან სასტემატიურად ჩაატაროს, გეგმით გათვალისწინებულ თემებზე, როგორც თეორიული, ასევე, პრაქტიკული მეცადინეობები;
- რეგულარულად შეამოწმოს საევაკუაციო გასასვლელების მდგომარეობა.

7. სახანძრო უსაფრთხოებაზე პასუხიმგებელი პირი

სახანძრო უსაფრთხოებაზე პასუხიმგებელი პირი ექვემდებარება სკოლის საგანგებო შტაბის უფროსს.

მას ევალება:

- სკოლის ტერიტორიაზე უზრუნველყოს თვალსაჩინო ადგილებზე სახანძრო-სამაშველო სამსახურის ტელეფონის ნომრების გამოკვრა.
- უფლებამოსილი პირის ბრძანებით დადგენილი უნდა ქონდეს ხანძარსაშიშროების შესაბამისი ხანძარსაწინააღმდეგო რეჟიმი, მათ შორის:

ა) ხანძრის შემთხვევაში და სამუშაო დღის დამთავრების შემდეგ ელექტრომოწყობილობების გამორთვის წესი;

ბ) ცეცხლის გამოყენებასთან დაკავშირებული დროებითი და სხვა ხანძარსაშიშროების სამუშაოების ჩატარების წესი;

გ) სამუშაოს დამთავრების შემდეგ სკოლის დათვალიერების და დაკეტვის წესი, აგრეთვე ხანძრის აღმოჩენის შემთხვევაში საევაკუაციო შტაბის ინფორმირების წესი;

დ) სკოლის შენობის დასუფთავების, ნაგვის შეგროვების, შენახვის და გატანის წესი;

ე) ხანძარსაწინააღმდეგო ინსტრუქტაჟის ჩატარების (სახანძრო უსაფრთხოების წესების სწავლების) წესი, დრო, სიხშირე.

ევაკუაციის გეგმა და ვარჯიში

სკოლის სართულებზე თვალსაჩინო ადგილზე გამოკრულია სახელმწიფო რეგულაციების შესაბამისად შედგენილი ადამიანთა ევაკუაციის გეგმები და ევაკუაციის ინსტრუქცია.

ინსტრუქციით, თანამშრომლებისა და მოსწავლეების მონაწილეობით, წელიწადში არაუმცირეს ორჯერ ჩატარდება პრაქტიკული ვარჯიში-იმიტირებული ევაკუაცია.

განგაშის ზარი

1. საგანგებო სიტუაციების განვითარებისას ირთვება განგაშის ზარი;
2. განგაშის ზარი არის სკოლის ზარისგან განსხვავებული ტონალობის;
3. განგაშის ზარის ხანგრძლივობა გრძელდება 1-დან 2 წუთამდე უწყვეტი სახით.